

Willemoesgade 23/IV,
Köbenhavn Ö, Dania,
li 13. febr. 1930.

R. 20 ————— con C.

Sr. professor G. Peano,
Cavoretto-Torino, Italia.

Altestimat senior professor.

Yo peti vos acceptar mi cordial mersias pro li materiale pri Interlingua quel vu misset me just in tant amplissim quantità. Yo es interessat pri li different systemas de L.I., ne minim pri Latino sine flexione quel representa egalmen quam Occidental li naturalistic latere del problema. Ma yo deve dir que yo prefere li modern naturalità de Occ. a ~~ti~~ ti de Lsf, quel sembla me esser tro antiquat.

Yo conosse vor lingue ja desde long tēpor, ma it va interessar me mult per li misset scrites conosser it ancor plu ~~mult~~ profundmen. Permissee me dir vos in sam tēpor que yo mult apprecia li tendentie de Schola et Vita a tolerantie inter li systemas. Por me un tolerantie e, quant possibil, collaboration intra nor movement va posser mult avansar nor commun idè.

Yo usa li occasion por informar vos pri li foundation de un neutral "Societè por li L.I." ci in Danià. Yo misse vos in sam tēpor un traduction de su programma de labor. It es fundat secun li ~~inicia~~ initiative de senioreta Gunvar Münster, ancian secretaria del dissoluet Dan Ido-Federation. In li comitè de labor del societè trova-se representantes de Novial: prof. Jespersen e li secretario, sr. Haislund, de Ido: sretta Münster, de Esperanto: sr. M. Blicher, membre de "Lingva Komitato", e de Occ.: yo self. Inter li ~~mult~~ lingualmen neutral membres del comitè es li president: li matematico, prof. dr. Harald Bohr, li geolog dr. Victor Madsen e li filolog dr. S. Blöndal. It es li scop del societè adtraer li support al idè del L.I. de li mult~~ti~~ homes queles es interessat pri li idè ma ne vole adherer a un definit systema.

Respectosimen

Jan Casse